



SEKOLAH MENENGAH KEBANGSAAN BUKIT KEPAYANG
PEPERIKSAAN PERTENGAHAN TAHUN
SECARA DALAM TALIAN TAHUN 2021

BAHASA MELAYU, TINGKATAN 2

NAMA : _____

KELAS : _____

ARAHAN : Jawab **SEMUA** soalan.

BAHAGIAN A (25 markah)

Tulis kata akronim yang betul berdasarkan rangkai kata yang diberikan.(5 markah)

Rangkai Kata	Akronim
1. cerita pendek	
2. jentera tolak	
3. kumpulan gitar rancak	
4. berdiri atas kaki sendiri	
5. gimnastik berirama	

Isi tempat kosong dengan perkataan yang paling sesuai.(5 markah)

muda merah merdu sayang kencang

1. Walaupun Puan Malini sangat _____ akan anak tunggalnya itu tetapi dia tidak memanjakannya.
2. “Isi kelapa _____ lebih enak dimakan bersama-sama airnya,” kata peniaga air kelapa itu.
3. Suara penyanyi yang terkenal itu sungguh _____ walaupun bernyanyi tanpa iringan muzik.
4. Angin _____ telah meranapkan pondok usang di tengah-tengah sawah itu.
5. Kakak memilih baju songket berwarna _____ hati untuk majlis persandingannya.

Gandakan kata dasar yang diberikan bagi melengkapkan ayat-ayat di bawah ini. (5 markah)

Bil	Ayat	Kata Dasar
1.	Yasmin sentiasa berdoa _____ dia diterima untuk melanjutkan pelajaran di Universiti Malaya.	mudah
2.	Para petani di kampung saya meletakkan _____ di tengah sawah untuk menakutkan burung-burung.	orang
3.	Rombongan pihak lelaki yang datang dari Seremban itu akan tiba di Masjid Putra _____ pukul 12.00 tengah hari	lewat
4.	Telur nyamuk akan menetas menjadi _____ dalam masa satu hingga tiga hari.	jentik
5.	Para _____ yang hadir di majlis rumah terbuka Encik Salim memuji keenakan masakan isterinya, Puan Salma.	tamu

Gariskan jawapan yang paling tepat. (5 markah)

1. Universiti Teknologi Malaysia terletak di (Kuala Lumpur, Pulau Pinang, Johor, Selangor)
2. Tapai pulut lebih enak rasanya jika dibungkus dengan daun (kelapa, pandan, getah, keladi)
3. Melaka terkenal sebagai (Bandar Raya Bersejarah, Bandar Pintar, Bandar Maklumat)
4. Rezeki para (penoreh, pelawat, pelabur, peguam) akan terjejas apabila musim tengkujuh tiba.
5. Majalah (Jelita, Keluarga, Dewan Pelajar, Harmoni) amat sesuai untuk murid menambahkan ilmu pengetahuan.

Padankan peribahasa dengan maksud yang sesuai (5 markah)

1. Bagai kerbau dicucuk hidung	Bekerja hanya kalau diperintah
2. Bagai melepaskan batuk di tangga	Disisihkan orang lain kerana tiada kuasa
3. Bagai pahat dengan penukul	Orang yang selalu mengikut kemahuan orang
4. Bagai melukut di tepi gantang	Dua orang yang selalu bertengkar
5. Bagai anjing dengan kucing	Membuat kerja sambil lewa dan cuai

BAHAGIAN B (10 markah)

Baca pantun dibawah ini dengan teliti, kemudian jawab soalan-soalan berikutnya dengan menggunakan ayat anda sendiri.

Pantun Kenangan Silam

Bawa pengat mudik ke hulu, Hendak makan bersama kakak, Masih kuingat zaman dahulu, Bersama rakan bermain congkak.	Bersama teman meniti permatang, Singgah berteduh di Kuala Sedili, Bermain di laman setiap petang, Puas bergaduh berbaik kembali.
Nasi disaji berulam pegaga, Berlauk kelah bergulai kawah, Bermain dam aji seisi keluarga, Sambil berkelah di tepi sawah.	Banyak kulat di atas pelantar, Buah delima di atas para, Gasing bulat ligat berputar, Siapa terlama dialah juara.
Merpati terbang di tepi kali, Di dahan jambu merpati berehat, Adik dan abang bermain guli, Ayah dan ibu duduk melihat.	Pergi berjalan di Pulau Angsa, Duduk berehat di pohon jati, Wau bulan tinggi di angkasa, Kami melihat senang hati.

Iffah Alias,
Shah Alam

- i) Berdasarkan pantun di atas, namakan dua permainan tradisional. (3 markah)

- ii) Nyatakan dua nilai yang terdapat dalam Pantun Kenangan Silam . (3 markah)

- iii) Pada pendapat anda, mengapakah permainan tradisional semakin dilupakan oleh generasi pada masa kini? (4 markah)

BAHAGIAN C (15 markah)

Lihat grafik di bawah dengan teliti, kemudian, tulis ulasan yang panjangnya antara 80 hingga 100 patah perkataan.

INGIN MENJADI PENIAGA BERETIKA DI MUSIM PERAYAAN? PATUH 5 ETIKA PERNIAGAAN DI BAWAH

- 1 Mematuhi peraturan kawalan harga
- 2 Tidak menaikkan harga barang jualan secara mendadak / sesuka hati
- 3 Memastikan stok barang jualan mencukupi
- 4 Memaparkan harga jualan dengan jelas
- 5 Berniaga secara jujur & bersaing secara sihat

KEMENTERIAN PERDAGANGAN DALAM NEGERI
DEPARTMENT OF DOMESTIC TRADE AND CONSUMER AFFAIRS

Peniaga Beretika

@KPDNHEP KPDNHEP.TV

KERTAS SOALAN TAMAT